

欽定八旗通志卷二百十六

人物志九十六

忠義傳八

滿洲八旗入
康熙十七年至二十七年共七十五人

五穆都

五穆都滿洲鑲黃旗人姓富察氏世居葉赫地方
順治十五年以護軍叅領從信郡王多尼征貴州
敗僞侯李成蛟等於涼水井至雙河口敗僞王李
定國進至魯噶復大敗其衆追至磨盤山又敗之

十八年授雲騎尉世職是年從征山東土賊于七
至鋸齒崖敗賊俞三呂四奇等康熙十三年署前
鋒統領同貝子富拉塔征逆藩耿精忠至浙江敗
賊於黃水山至蒲塘敗僞總兵吳臣又敗僞將軍
楊德十四年十月至上蒲塘僞將軍曾養性率賊
三萬餘衆乘船二百餘艘水陸夾戰五穆都同貝
子富拉塔奮擊敗之復太平樂清青田三縣及大
荆盤石二衛以力戰身被數創十七年七月三十

日傷發卒十九年議功加世職

恩賜雲騎尉併爲騎都尉世職

賜祭葬予諡立碑

哈寧阿

哈寧阿滿洲鑲黃旗人姓瓜勒佳氏初署護軍校
康熙十五年隨揚威大將軍簡親王喇布征吳三
桂於江西十六年十二月擊賊於吉安猓坑嶺十
七年進勦老虎洞青龍嶺諸處所至克敵尋署護

軍參領陞護軍統領六月至永順縣擊偽將馬寶
胡國柱等力戰中礮歿於陣

賞卹如例

覺羅莫洛渾

覺羅莫洛渾滿洲鑲黃旗人祖拜三天聰中從大
兵攻寧遠陣亡父顧納岱順治初從征南昌府中
礮陣亡累贈一等子並自有傳莫洛渾初襲父世
職任事勤慎康熙十七年從征福建海賊進攻厦

門禦敵衝鋒奮勇力戰陣亡加贈騎都尉授三等
伯諡剛勇

賜祭葬立碑墓道

敦達禮

敦達禮滿洲鑲黃旗人康熙十八年二月以七品
官從安親王岳樂征逆孽吳世璠至湖廣長沙府
僞將軍吳國貴等來拒敦達禮身先士卒力戰陣
亡二十五年

金史卷之九十四
恩賜雲騎尉世職

承襲詳見
世職表

五塞

五塞滿洲鑲黃旗人署護軍校康熙十三年隨內
大臣阿密達往河南擒叛鎮蔡祿有功十八年隨
順承郡王勒爾錦征湖廣至武岡州雙井鋪擊賊
陣亡

賞卹如例

覺羅努赫勒

覺羅努赫勒滿洲鑲黃旗人康熙十四年以一等
侍衛從征逆藩吳三桂至湖廣十七年六月有僞
將軍杜輝巴養元江義等率二萬餘賊乘船二百
餘隻來犯柳林嘴努赫勒隨討逆將軍鄂內率舟
師敗之杜輝等又率賊來犯君山仍以舟師連敗
其衆進至湘陰距縣城五里敗賊衆二千餘十九
年隨固山貝子章泰進征貴州擊吳逆僞將軍高
起龍等中傷陣亡

恩賜雲騎尉世職

承襲詳見世職表

博洛

博洛滿洲鑲黃旗人康熙十五年以一等侍衛兼護軍叅領隨定遠平寇大將軍安親王岳樂征逆藩吳三桂屢立戰功十九年從固山貝子章泰剿賊至平越府以本旗驍騎校二十餘人擊賊陣亡

恩賜雲騎尉世職

承襲詳見世職表

董重民

董重民包衣鑲黃旗人康熙十九年六月以四品
官奉

命往雲南招撫逆孽吳世璠世璠抗命不從重民切責之

被害

賜祭一次

恩賜都司僉書廕子董高巴五品官

阿爾賽

阿爾賽滿洲鑲黃旗人姓康儀爾氏世居費爾塔

哈村地方康熙十四年從定遠平寇大將軍安親
王岳樂征逆藩吳三桂爲左翼前鋒統領率領前
鋒兵擊賊嘗十戰皆克之二十年正月擊賊於貴
州平越府水西之蘆柴坑力戰歿於陣

恩賜雲騎尉世職

承襲詳見
世職表

尼馬達

尼馬達滿洲鑲黃旗人駐防江寧官佐領部委叅
領于康熙二十年四月初十日隨叅謀大臣刑部

尙書齋三在福州府拒敵陣亡

賞卹如例

鄂爾吉虎

鄂爾吉虎滿洲鑲黃旗人由親軍委署護軍校隨
順承郡王勒爾錦征逆藩吳三桂康熙二十年二
月初八日至山西平陽府之高橋擊賊中鎗歿

賞卹如例

登庫

登庫滿洲鑲黃旗人姓鈕祜祿氏世居栢山哈達
任驍騎校從征雲南江西有功康熙二十五年從
征廣東至韶州府東山遇賊陣亡

賞卹如例

古魯錫

古魯錫滿洲正黃旗人姓巴岳特氏世居蒙古他
拉西拉穆蘭地方任護軍叅領康熙十三年隨奉
命大將軍康親王傑書征逆藩耿精忠十七年聞

三月抵漳州與海賊偽將軍劉國軒力戰死之

恩賜雲騎尉世職

承襲詳見世職表

噶爾都

噶爾都滿洲正黃旗人姓西克特禮氏世居松阿禮烏拉之庫爾喀和羅懇布祿村地方襲父賈龍阿一等輕車都尉又一雲騎尉康熙十四年噶爾都從征陝西擊叛賊王輔臣子王繼正敗之十七年從征南將軍穆占往湖廣征逆藩吳三桂至沿

山嶺賊將馬寶等率三萬餘衆來戰噶爾都力戰陣亡

恩賜二等男世職

承襲詳見封爵表

巴圖

巴圖滿洲正黃旗人姓他塔喇氏其先係察哈爾蒙古襲父索寧三等輕車都尉職隨貝勒尙善征逆藩吳三桂康熙十七年在湖廣洞庭湖擊偽帥杜輝巴養元江義等歿於陣

恩賜二等輕車都尉世職

承襲詳見世職表

黑色

黑色滿洲正黃旗人任一等輕車都尉康熙十七

年隨將軍貝勒尙善征逆藩吳三桂至湖廣長沙

府陣亡

賞卹如例

傅岱

傅岱滿洲正黃旗人姓舒舒覺羅氏世居烏英額

地方康熙十三年以驍騎校從征逆藩吳三桂至
陝西隨振武將軍佛尼勒敗賊於滴水涯進次平
涼賊三千餘衆斷路立寨復擊敗之尋從征四川
賊將石存禮黑邦俊楊天保徐宗炳等率裸裸七
千出棧道益門鎮立七營於西山傅尙隨大兵攻
破之又敗賊衆四千於山陽池又敗益門鎮賊兵
於黃兒山十七年隨討逆將軍鄂內湖廣總督蔡
毓榮至岳州賊將杜輝巴養元江義等率船二百

艘賊二萬衆由洞庭湖至柳林嘴來犯傅岱隨大兵以舟師力戰陣亡

恩賜雲騎尉世職

承襲詳見世職表

海什尼

海什尼滿洲正黃旗人康熙十三年以委署護軍校隨奉命大將軍康親王傑書征逆藩耿精忠至浙江破賊帥王宗仁於諸暨河岸又敗僞都督于義烏又敗僞總兵於臨善村又隨平南將軍賴塔